



Bosna i Hercegovina
FEDERACIJA BOSNE I HERCEGOVINE
ŽUPANIJA POSAVSKA
MINISTARSTVO UNUTARNJIH POSLOVA

O R A Š J E
KABINET MINISTRA

Broj: 02-1-11-58/22-32
Orašje, 10.06.2022. godine

Na temelju člana 100. stav (3) Zakona o javnim nabavama Bosne i Hercegovine («Službeni glasnik BiH» broj 39/14), a rješavajući po žalbi ponuditelja Danials d.o.o. Tešanj izjavljenoj na Odluku o izboru najpovoljnijeg ponuditelja za LOT 3 – Policijska oprema broj 02-1-11-58/22-23 od 27.05.2022. godine , u postupku javne nabave roba – isporuka uniformi i opreme za policijske službenike, ministar unutarnjih poslova d o n o s i :

O D L U K U
o usvajanju žalbe i poništenju postupka javne nabave

I

Usvaja se kao utemeljena žalba ponuditelja DANIALS d.o.o. Tešanj izjavljena na Odluku o usvajanju žalbe izboru najpovoljnijeg ponuditelja za LOT 3 – Policijska oprema broj 02-1-11-58/22-23 od 13.05.2022. godine , u postupku javne nabave roba – isporuka uniformi i opreme za policijske službenike.

II

Stavlja se van snage Odluka o usvajanju žalbe i izboru najpovoljnijeg ponuditelja za LOT 3 – Policijska oprema broj 02-1-11-58/22-23 od 27.05.2022. godine.

III

Prihvaća se preporuka Komisije za nabave u postupku javne nabave roba- uniformi i opreme za policijske službenike te u skladu sa članom 69.(2) Zakona o javnim nabavama poništava se postupak javne nabave za LOT3- policijska oprema iz razloga što nijedna od primljenih ponuda nije prihvatljiva prema uvjetima iz tenderske dokumentacije.

IV

Ova Odluka stupa na snagu danom donošenja.

O b r a z l o Ź e n j e

Postupak javne nabave pokrenut je Odlukom o pokretanju postupka javne nabave roba – uniformi i opreme za policijske službenike broj 02-1-11-58/22-4 od 06.04.2022. godine. Javna nabava je provedena putem otvorenog postupka javne nabave. Za predmetnu nabavu objavljena je obavijest o nabavi na Portalu javnih nabava pod brojem 803-1-1-13-3-7/22 dana 14.04.2022. godine u 12:00 h te u „Službenom glasniku BiH“ broj 25/22 od 22.04.2022. godine.

Nakon provedenog postupka Komisija za nabavke ministarstva sačinila je Zapisnik o pregledu i ocjeni ponuda LOT 3 – Policijska oprema broj 02-1-11-58/22-11 od 10.05.2022. godine sa

preporukom o donošenju Odluke o izboru najpovoljnijeg ponuditelja. Ministar je donio Odluku o izboru najpovoljnijeg ponuditelja za LOT 3 – Policijska oprema broj 02-1-11-58/22-14 od 11.05.2022. godine, kojom je kao najpovoljnija ponuda izabrana ponuda ponuditelja DANIAL“S d.o.o. Tešanj. Navedena je odluka u zakonom predviđenom roku dostavljena ponuditeljima koji su sudjelovali u postupku javne nabave zajedno sa zapisnikom o pregledu i ocjeni ponuda.

Drugorangirani ponuditelj SHOT d.o.o. Zenica je dana 19.05.2022. godine izvršio uvid u ponudu prvorangiranog ponuditelja te blagovremeno podnio Žalbu broj #22-037-18-1-KT od 24.05.2022. godine, protokoliranu pod brojem 02-1-11-58/22-20 od 25.05.2022. godine.

Ministarstvo je, prije razmatranja žalbe, utvrdilo da je ista blagovremena, dopuštena i izjavljena od ovlaštene osobe.

Postupajući po žalbi, razmotreni su navodi iz žalbe, izvršen je uvid u kompletnu dokumentaciju te je izvršena ponovna analiza dokaza, a u odnosu na navode i propisani zakonski postupak te je utvrđeno da je žalba utemeljena.

Imajući u vidu prethodno navedeno, a zbog činjenice da je postupak javne nabave strogo formalni postupak i da svaki pojedinačni nedostatak predstavlja temelj za odbacivanje ponude sa nedostatkom, uložena žalba ponuditelja SHOT d.o.o. Zenica je utemeljena te se stavlja van snage Zapisnik o pregledu i ocjeni ponuda broj 02-1-11-58/22-11 od 10.05.2022. godine i Odluka o izboru najpovoljnijeg ponuditelja za LOT 3 – Policijska oprema broj 02-1-11-58/22-14 od 13.05.2022. godine, te je donešena odluka o usvajanju žalbe i izboru najpovoljnije ponude broj :02-1-11-58/22-23 od 27.05.2022.god a ugovor o isporuci uniformi i policijske opreme za LOT 3- Policijska oprema dodijeljen ponuditelju SHOT d.o.o. Zenica sa ukupnom cijenom u iznosu od 28.890,00 KM bez PDV-a.

Navedena odluka broj:02-1-11-58/22-23 od 27.05.2022 godine je u zakonom predviđenom roku dostavljena ponuditeljima koji su sudjelovali u postupku javne nabave.

Dana 07.06.2022.godine ponuditelj DANIALS d.o.o Tešanj izvršio uvid u ponude koje se odnose LOT3-Policijska oprema, te blagovremeno podnio Žalbu broj IP/281/22 od 07.06.2022.god protokoliranu pod rednim brojem 02-1-11-58/22-29 od 08.06.2022.god
Ministarstvo je, prije razmatranja žalbe, utvrdilo da je ista blagovremena, dopuštena i izjavljena od ovlaštene osobe.

Komisija za nabave je pristupila detaljnoj provjeri navoda iz žalbe te je nakon razmatranja, Komisija dala svoje izjašnjenje, kako slijedi:

„Žalitelj u žalbi navodi:

„Žalitelj je izvršio 07.06.2022.godine uvid u dostavljenu ponudu odabranog ponuđača te uočili sljedeće nedostatke, zbog kojih i ulažemo ovu žalbu:

Na strani ponuditelja 11/102a je ponuditelj izvršio ispravku ukupne cijene bez PDV-a „Stop tablica male“, konkretnije izvršio je prepravku iznosa od 255.00KM međutim nije naveo datum ispravke, te nije se potpisao i ovjerio svojim pečatom spomenutu ispravku.

Naime, Uputstvom za pripremu modela tenderske dokumentacije i ponuda („ Službeni glasnik BiH“ broj 90/14) u glavi IV, članu.18.(m) navodi da zapisnik o pregledu i ocjeni ponuda mora sadržavati podatke o ispravkama ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom

ponuđača datumom izvršene ispravke. Dakle ,ponuditelj Shot d.o.o je propustio da ispravljenu cijenu potpiše i označi sa datumom izvršene ispravke.

Dakle u pitanju je povreda podzakonskog akta,te se na osnovu navedenog može konstatovati da ponuda ponuđača Shot d.o.o. ne ispunjava uslove u formalno-pravnom smislu.

Nadalje ,prema članu 58(h) Zakona o javnim nabavkama („Službeni glasnik BiH“ broj 39/14) navodi sljedeće:

„Ponuda mora biti ovjerena pečatom podnosioca ponude,ako po zakonu države u kojoj je sjedište podnosioca ponude podnosilac ponude ima pečat ili dokaz da po zakonu države u kojoj je sjedište podnosioca ponuda podnosilac ponude nema pečat.“

Od stranice 55/102a pa do stranice 71/102a gdje je ponuditelj dostavio Aktuelni izvod iz sudskog registra i Rješenje o upisa u registar osoba spoljnotrgovinskog prometa, ponuditelj nije ovjerio stranice vlastitim pečatom ,kao i propustio je da potpiše iste stranice.

Također,na stranici ponuditelja 75/102a gdje je ponuditelj ponudio tehničke specifikacije IC uređaja za noćno osmatranje“Sightmark“-Ghost Hunter, Uvećanje 2x je ponudio sljedeće specifikacije:

- promjer leća 24mm
- vidno polje 100m:44m
- Raspon detekcije:120mm
- IR valna duljina 805nm
- Dimenzije:136x113x60mm
- Težina:400 g

Dok Ugovorni organ je zahtijevao sljedeće specifikacije IC uređaja za noćno osmatranje:

- promjer leća 50mm
- vidno polje 191/1000m
- Raspon detekcije:225mm
- IR valna duljina 850nm
- Duljina 223 mm
- Širina 122mm
- Visina 71mm
- Težina:850 g

Dakle gore navedene specifikacije nisu u skladu sa zahtijevanim tehničkim specifikacijama iz Tenderske dokumentacije,odnosno ponuđeni IC uređaj za noćno osmatranje ne zadovoljava tražene karakteristike.

Nadalje, na strasnici 93/102a,ponuditelj je ponudio „Sprej sa OC sredstvom „ESP“- Police tornado, sa ugrađenom lampom i to sprej od 63 ml Dok ugovorni organ je zahtijevao da „ sprej se treba nalaziti u lakoizmjenjivim patronama od 30-60 ml koje se stavljaju u kompatibilni nosač izrađen od ABS plastike, visoke čvrstode namijenjen ljevorukim i desnorukim korisnicima „ Dakle , opet ponuđeni proizvod, odnosno papar sprej sa baterijskom lampom ne zadovoljava tražene karakteristike.

Stim u vezi ponuda ponuđača SHOT d.o.o ne ispunjava uslove u formalno-pravnom smislu i ponuda kao takva treba biti odbačena.“

„Vezano za navode žalitelja, Komisija za javne nabavke Ministarstva unutarnjih poslova Županije Posavske, smatra da su žalbeni navodi utemeljeni.

Naime ,žalitelj je uočio naprijed navedene nedostatke kod izabranog ponuditelja, te je Komisija za javne nabave izvršila ponovni pregled ponude izabranog ponuditelja i konstatirala da su žalbeni navodi točni. Sukladno tome, Komisija za javne nabave predlaže poništenje Odluke o usvajanju žalbe i izboru najpovoljnijeg ponuditelja broj 02-1-11-58/22-23, od 27.05.2022.godine za LOT 3-Policijska oprema, te u skladu sa člankom 69.(2)d) Zakona o javnim nabavkama predlaže da postupak za LOT 3 – Policijska oprema poništi iz razloga što nijedna od primljenih ponuda nije prihvatljiva prema uvjetima iz tenderske dokumentacije.“

U skladu sa svime navedenim i uvažavajući preporuku Komisije ,odlučeno je kao u dispozitivu.

Pouka o pravnom lijeku:

Protiv ove Odluke može se podnijeti žalba Uredu za razmatranje žalbi, putem ugovornog organa, u roku od 5 (pet) dana od dana prijema Odluke.

Dostaviti:

- ponuditeljima,
- a/a

